

Ò Stolemie spòd Wieżęcë

Òd swiãti Arkónë pò kuńc Wisłë biegu
Òd Notecë wałów do Bòłtu brzegù
Je krójna wspaniałò wòjów sławetnëch,
- Kaszëbsczé dzeje lédzy szlachetnëch.

To rôj Jadamòwi stwòrzony przez Bòga
Krój wielemòznëch Swiãtopełka, Mszczëga.
Ta zemia jak kryształ, cëdné skarbë krëje:
Jezora, rzëczy, ùrodné kneje.

A nad tim jak panna ùrodë przesnòzi
Jak òkã królewsczim skarbë te mierzi
Zdrzi na stolemów dzeło – sztòłtną tã zemiã -
I sënów te kraju – kaszëbsczé plemiã.

Wieżëca – na miono delë ti pani
Co szaturą swòją przez statatë trwanie
Je swiòdkã bëcò Swiãtopełka sënów;
Jich biòtków mążnëch, jich stolemnëch czënów.

I dzys stolemów wspiérò w czënach widzałëch
Co Tarczëznã sławią w dzełach wspaniałëch
Co w kùńsztach przesnòżich i w słowach natchnionëch
Bùdzą ze spikù lédzy ùsnionëch.

A westrzód nich stolem nad stolemama
Wszëtczé wkół stronë Òrmùzda skrama
Mò òbsëpóné, bë rodną swòjã zemiã,
Pòznało kòzdé swiatowé plemiã.

Bë pròwda rôz wësza ò Kaszëbach całò
Ò ksążãtach, méstrach i wiòldżich ùczalëch
Ò Piòsznicë, Stutthofie i łagrze sowiecczim
- Dzãka Ce Stolemie, Danielu Czòpiewsczi.